

敬

一

堂

詩

鈔

敬一堂詩鈔卷十一

混同顧八代文起著

桐城方苞望溪輯

七言律詩

林下

荒園歸掃見蘭蓀更向檐前望遠村抱病獨欣
雙印解參天誰是一心存但須藜杖窮經史從
此繩牀穩夢魂始覺清閒宜歲月草茆何以答

君恩

晚節有感

却病心將萬事空白頭偶飲竹齋東謾言廊廟
須廉吏自是田疇任晦翁虛室靜憐天漢月
裘寒畏雪山風請看白鶴歸華表猶在雲端北
顧中

感懷

已知善始更知終不爲人稱一代雄皓髮鏡中
凝夜雪丹心葉上託秋風松棲白鶴還孤立籬
種黃花自幾叢徒羨煙波猶未去持竿何日作

漁翁

慨老

壯志曾懷李藥師於今垂老歎支離
鏡中白髮愁偏見霄上丹心夢獨知
寒覩老烏巢舊樹暖看嫩蕊發新枝
長吟抱膝時瞑目一任旁人笑作癡

憶舊遊

每欲東山覓舊蹤不知何日往扶筇
煙霞笑我塵襟滯魚鳥輸他野趣濃
嶺上白雲閒宇宙宅

邊秋水老芙蓉北窗十載空留戀懶漫何須更
夢松

自怡

一臥匡牀祇自怡寧知歲月是何時案頭莫置
通靈陣窗下惟敲絕妙詞倚杖時看雲出岫尋
花偶見客彈棋窺園任我逍遙意攬卷無妨更
下帷

草堂即事

院靜人稀午夢餘焚香煮茗俗情疎搜窮鄴架

心方徹坐破繩牀意自如不履不衫希古道無
憂無悶樂閒居扶筇時向長空望惟見浮雲日
卷舒

其二

杖藜散步已多年酒殘茶鐺對竹筵明月有情
還照榻白雲無意不離天但知讀易堪酬老何
用還丹更學仙偶遇客來歌古調阿誰句似
臨川

自慨

東山風月想追隨即使囊空亦不飢每擬薄游
多見阻自憐高臥未全怡丹楓霜冷凋秋院黃
菊風多拂晚籬莫謂林泉招隱久淹留但下片
舒帷

清況

幽林清況鶴時隨倦憩繩牀亦自怡藜藿兩餐
堪獨飽煙波一釣任吾之花間理軫吟看鳥竹
裏留賓酌對棋醉起臨風扶杖嘯湖山無處不
相宜

謝客

古今功業不須奇
謾說滇南勒口碑
疎懶已邀賢者諒
襟懷豈少達人知
半生勤苦還輸我
百歲清貧更讓誰
一掩蓬門終謝客
高眠天地任吾癡

自述簡諸親友

微軀不憚勤勞日
久病偏孤

明聖時芳草但期春
暖發蒼松豈爲歲寒移
人情且看雲生岫
世道惟斟酒滿卮
偶爾飛沈何足

論居諸今古有盈虧

偶感

當年兵甲與旌旗
路入羊腸更覺岐
魑魅半生非
非畏日雷霆一震是乘時
理如泥古虛稱傑事
或知幾敢謂奇
垂老於今堪寄興
舊時幽菊滿東籬

偶憶東山

山邨過日正芳菲
林壑蒼然草木肥
風竹自鳴彈琴峽
煙蘿空掃釣魚磯
欲知此地遙相憶
更

待何時獨自歸回首寸心安可託孤雲天際本無依

有感

半世奔波歷宦途乾坤垂老一迂儒愁中霜雪容顏瘁夢裏風塵歲月徂青瑣久辭鵷鷺序白頭任作馬牛呼欣瞻朝日葵仍向何假冰心託玉壺

遙憶

龍山他日暮春歸誰把遊人比少微開牖偶然

舒嘯傲栽花不是爲芳菲雲連嶺樹千重秀雨
浥山泉百道飛老去行藏渾是舊心垂葵藿向
朝暉

閒詠

世代簪纓盡珥貂於今高枕老蓬茅卜居先得
需初畫筮仕重逢蠱上交遲暮更憐花落徑飛
騰猶喜燕歸巢掩扉靜會窮通理豈效楊雄作
解嘲

草堂客至兼携酒饌賞菊有作

籬外何人載酒殽忽驚車馬到衡茅未曾名飲
如彭澤轉覺詩寒似孟郊對菊但增今日興傳
經不負舊時交與君共話當年事却笑樽前似
繫匏

春日詠懷

白頭更愛艷陽天春日遲遲暖几筵出戶看花
勤數步脫冠扶杖息雙肩曾遊巖壑披雲岫八
憶松風枕石眠倘得持竿追少伯一蓑煙雨五
湖船

晚節吟

辭榮藏拙掩柴門僻巷棲遲道自尊寧問仙家
延命術但希儒範立身言貧家原屬宜簞食
味還須讓菜根除此固窮無別事逢人惟與話
寒溫

詠懷

窮通世事但由天息慮忘機自坦然悶遣偶增
齊物論日需獨乏杖頭錢謾言空外風雲壯且
數林間草木年靜會古人遺訓在厥中允執是

心傳

其二

一掩柴扉已十年欣逢

盛世臥林泉空山但覺煙霞近枯樹非關雨露偏
五軫琴橫盤石上數聲鳥散落花前凝神不問
寰中事閒枕囊書學懶眠

其三

草堂偃臥有餘情秋聽鳴蟬春聽鶯謀道有閒
吟古月托囊無咎謝浮名天邊遠雁聲時續夜

半孤燈焰尚明悃悃已蒙

仁主諒放懷容我樂殘生

其四

長白之東渤海流餘生久愧乏嘉猷叨

恩殿陛五千日託蔭京城六十秋冠冕久辭南郭
靜兒孫漸滿北堂幽分陰皓首猶堪惜數易繩
牀意自由

雜詠有感

解道二疏得早旋歸林何用李膺船祇因種菊

如彭澤豈爲吟詩似謫仙涉世久懷

知遇日得休尤是拜

恩年草堂春掩容高臥時有鶯聲到耳邊

其二

雨後觀魚笑輟游忽聞鄰右卸危樓波濤歸海
猶千折牛馬從風各兩頭杲杲晴空炎日永陰
陰夏木綠窗幽虛堂時有涼風至高臥繩牀
似秋

其三

敬一堂詩鈔

卷十一 七言律詩 八

披襟長嘯竹齋東，萬木蕭蕭落葉風。
却惜花香俄昨異，翻憐松色與春同。
珠離滄海蚌先沒，玉出藍田土已空。
寄語輕肥當路客，不知濟世有何功。

其四

太阿光射斗牛邊，駉駉嘶風漫著鞭。
叔子碑存名豈朽，馮唐官罷志彌堅。
階無芳草呈冬綠，院有梅花帶雪妍。
宵旰

皇圖天地久，老臣安得不心懸。

林下

十載驅馳力已殫今逢

恩

宥謝征鞍辭官正爲馮唐老貽繒非關范叔寒

豈笑步兵偏嗜酒曾希散騎更忘餐近來頗得
歸林趣高臥南軒一枕安

潛居

潛居誰道是閒人茆舍偏宜老病身一榦古
天有月半籬殘雪地無鄰酒因肆遠思新釀麴
未詩工笑舊貧却怪子陵多世故披裘仲夏坐

敬一堂詩鈔

卷一一 七言律詩 九

垂綸

偶成

扶杖春林愛夕曛
江籬白芷正芳芬
乍明月色天懸鏡
半掩湖光水映雲
何用黃粱勞夢寐
只須皓髮寄耕耘
傾心徒念如葵藿
未有香芹一獻

君

猷畝吟

秋林風息葉還凋
南畝欣欣登轉寂
寥藥餌強扶

衰老日年華遙祝

聖明朝獨知逝水終歸海一任飛鵬遠上霄倚杖
柴門何所見晚來落木更蕭蕭

遇友話舊

閒中逢友話偏長說到存亡倍感傷同學凋零
雙眼淚孤衷牢落滿頭霜銜杯錯畔奚奴睡剪
燭窗前夜雨涼獨愧放懷猶未得十年抱病臥
繩牀

閒居

敬一堂詩鈔

卷十一 七言律詩

十

老去投閒夢亦清此中何用更存誠不須富貴
纏吾足但有琴書伴此生客至花間方掃徑風
來林外遠聞鶯春山心賞渾如畫峰下晴雲一
半橫

遇友話舊有作兼贈

草堂初喜見良朋晚節從容興更增獨愧多年
添白髮共憐此夜對青燈一生短褐由吾著萬
里長風任爾乘岐路亡羊何足怪待瞻健翮自
飛騰

四子吟

老夫久矣臥東山夢裏高人夜往還馮翊仙蹤
盈海內廬陵仁術滿塵寰高君白鹿誠難及太
乙青藜未易攀四子殷勤頻晤語知余澹泊逐
衰顏

偶吟

白頭笑傲自詼諧夙夜孜孜孰與偕每把經書
爲日用還將吟詠作生涯窮愁掃去方無累美
景招來漫入懷慰此殘年惟盡興花間每醉臥

清齋

寫懷

揮汗攤書日每西當年宣聖尚栖栖龍鍾豈欲
求聞達愚劣何堪望品題滿宅蓬蒿春寂寂一
窗風雨夜淒淒從來未作華胥夢寤寐神凝意
不迷

酬故人見過

荒徑軒車久不來扣門君至訝初開乍迎倒屣
臨風笑久坐吟詩帶月裁籬下數看新種菊窗

前細認舊栽梅忽言衲子託相問記得花間酒
數杯

雜詠

壤歌鼓腹似堯民不繫虛舟類此身三徑松筠
堪適意一生堅白恥言貧谿桃花發留朝露梁
燕巢成已暮春獨立空園清夜半月明天遠更
無人

答友人

平漠勦粵歷艱辛今日羞言百戰身事業不關

青史註夢魂但與白雲親閒拖杖履行看鳥懶
著衣冠出見人幾卷殘書堪慰老翻嫌渭水昔
垂綸

自得

久謝浮名遠世塵衡門之下可栖身祇因骨瘦
蒼顏古不爲愁多白髮新隨處鶯花堪適意會
心魚鳥解親人閒園別有清疎趣綠竹青松四
季春

自勉

老去偏須更琢磨
白頭猶自學吟哦
風雲已任從龍虎
花鳥何曾解嘯歌
莫損蘭叢春翳蝶
常留燈罩夜憐蛾
非關不倦惟強勉
講易堂中客正多

憶東山別墅

草堂抱膝已多年
時憶東山景物妍
春至龍潭花似綺
冬來冷口雪如綿
釣依夏木朝臨水
杖倚秋林暮聽蟬
今日情懷徒夢想
草廬之畔有圭田

遇友話舊

威稜契舊盡離羣說到存亡不忍聞計別多年
如昨日相逢清曉又斜曛眼昏錯認雲中月風
動焉知水上紋老隱茆齋眠榻早因君夜坐話
殷勤

春日

已自潛居萬念消擁書無日不嘒嘒春明偶喜
花三徑月好還酬酒一瓢最愛宵彈琴韻靜翻
嫌曉夢鳥聲饒東園傳說尋芳客不似狂夫獨

寂寥

遙憶東莊

遙憶昔年冷口莊
齋前松柏耐冰霜
閒收林葉供茶竈
吟折籬花貯藥囊
但有雲霞生宇宙
何須筆墨著文章
夜來更訝東山月
偏向京華照草堂

偶感

久臥長安感繫匏
十年未一出東郊
身因老病遵隨象
心爲幽栖守遯交
夢裏彈棋無勝負
閒

中得句懶推敲放懷天地惟須靜多事揚雄作
解嘲

晚節

得歸畎畝即清閒別有生涯在此間下榻非邀
徐孺子彈棋誰效謝東山常尋藥餌曾銷疾靜
撫琴張自解顏更喜空林人不到扶筇惟見暮
禽還

西安孟佐領見過

中林習靜遠塵囂獨掩柴關任寂寥忽訝客從

千里至翻思別是廿年遙樽前話心偏壯鏡
裏愁顏髮半凋只有盤餐留一飯挑燈共坐話
寒宵

雜詠

鄴架空存書五車十年抱病臥煙霞祇緣慮澹
心先老不爲愁多鬢始華冰炭同時難可共權
衡稱物自無差壤歌鼓腹飲

堯日四海承平正一家

其二

謾言垂老久懸車遣興還能賦子虛喪馬勿追
終自返括囊無咎任誰疎股肱亘古推多士喉
舌方今擬尚書回首風雲皆是夢扶筇北望意
空餘

冬日偶吟

孟冬寒氣透重衣曝背窗前愛曉暉瓶罄虛聞
新釀熟囊空不畏古腸饑厨煙如線爐還冷硯
水成冰筆謾揮吟看牆陰殘雪在梅花數點映
柴扉

雜詠

洛陽耆老會心處舊是擁書敬一堂客至偶扶
人答拜詩成但覺筆同忙青藜已自宵曾照白
眼非關酒助狂寄語長安遊宦侶濯纓濯足水
滄浪

憶合營臺別業

白頭但想身安處寧問遼陽與洛陽司馬布衣
親邵子管寧皂帽隱繩牀遊山玩水無妨老肆
志逃名豈是狂地僻途迂人不到白雲深處一

茆堂

敬一堂詩鈔卷十一

敬一堂詩鈔卷十二

混同顧八代文起著

遼海盛 安仰山輯

七言律詩

誠王枉駕草堂

靜掩柴門玩物華
每將雲岫比煙霞
敢勞冠冕
天潢派來訪蓬蒿
野老家澹泊杯中
惟有茗幽棲
窗外更無花

賢王不怪疎狂叟
對坐談經日已斜

庚辰歲杪蒙

恩准休志感

銷磨三度歎秋霜形影相憐在草堂誰解丹心
慚莫報獨知白髮願無疆

朝廷未少都俞美宇宙長懸日月光從此蒙
恩羈勒外藜牀鼓腹樂陶唐

歸林

得臥林泉意自如徜徉日月任居諸絲絲白髮
多於舊耿耿丹心滿似初貧病年來身已慣門

庭老去世應疎久居更有煙波趣十畝閒閒好
荷鋤

其二

老去人間萬事疎看他塵世更何如謾言得失
吟烏有豈爲榮枯賦子虛歲月但能酬洞壑天
淵應不礙鳶魚杖藜歸臥東山下只許清風入
隱居

偶思當年際遇不禁心感有作

坐主乾剛滅羯胡孤臣委曲贊嘉謨

敬一堂詩鈔

卷十二

七言律詩

二

君明已恕王陵慙世泰應非甯武愚蘭省敢言曾珥
筆春曹深愧舊稱儒依檐望

闕心猶切鼓瑟閒園那自娛

逍遙仙

頗羨西江百歲人逍遙磊落不羈羣長安賣藥
誰能識方外狂言世厭聞非道非僧無定止云
儒云俗任岐分何年獨上崑崙頂脚下芒鞋蹋
白雲

林下雜詠

多年勞瘁宦遊人今日歸林作隱淪啼鳥倦飛
還舊樹荷衣春暖脫綸巾喜聞傳說煙霞趣愧
聽旁言骨梗臣四海一家蒙

聖德歌衢還似帝堯民

其二

鄭崇事主竭心神事切民瘼委曲陳敢道二疏
還解綬更思十哲自安貧蕭疎未闢蓬間路懶
慢由他几上塵抱膝長吟忘歲月花開庭院始
知春

其三

歸臥高林漫幾年聊將斐几比瓊筵
白衣送酒非看菊皂帽欹牀欲聽鶉
春雨初晴人自種晚雲乍散月高懸
案頭書卷時還理一半閒身了病緣

其四

平生辛苦是非中垂老歸來但固窮
喜我家貧無一物由人廩富有千驄
遊魚但解池塘廣飛鳥焉知宇宙空
雲自卷舒天自靜何時不與此

心同

答友

高臥人間歲月餘，那能詳細作君書。
罷官爲病原非隱，謝客緣貧豈是疎。
盡典朝衣終乏米，遍尋涸轍更無魚。
浪傳問字揚雄宅，自笑何曾賦子虛。

自憐

夙昔春卿今逸民，自憐一代戇愚臣。
丹心空擬酬

明主白首終教作散人但有薄田堪度日敢期厚祿
更榮身歸林因與煙霞近非掩蓬門遠世塵

遙憶徐我純

東西南北路猶奢憶爾談詩過我家王粲舊來
曾倒屣馬鈞老去漫翻車殘書滿架還堪閱新
釀盈樽不用賒欲共君歡君不見老夫一倍感
年華

衰景

終年抱膝寄巖阿一任光陰似擲梭時向檐前

扶短杖偶行花下坐長歌水知山上交逢塞詩
託貧中老更魔獨有兒孫堪比富膝前舞綵廿
三多

儀兒東歸

屆期堪去奈如何倚杖相看發浩歌巢燕時銜
泥漸累園葵盡拔意空多鶴歸解向遼東遠綬
解翻憐薊北過只當吳門爲市卒飽參經史莫
蹉跎

何麟臺南遊始旋

報道子卿返曲阿相逢依舊醉顏酡劉囊擲鬼
徒稱罕靈術知君實不多琴上新聞歸鶴操欄
邊恥聽飯牛歌南州風景頻頻話坐想雲山意
若何

臯月小酌

兒孫繞膝捧流霞却視斑衣意自賒好避炎蒸
深樹屋久甘澹泊野人家古稀客領靈椿壽鶴
髮誰欣解慍花醉後思餐塵外味盡言火棗大
如瓜

其二

不須蓴菜與鱸羹
白墮黃釐可適情
西嶺日沈人半醉
北堂客散月初明
酒因仲夏杯宜冷
茶到殘宵味更清
回首靜觀天地濶
詩書幾卷樂吾生

偶吟

祇因拙劣早還鄉
身自清閒菊自芳
暢飲頗能消俗慮
漫吟何用索枯腸
楓林葉老紅如錦
階月光鋪白似霜
只爲龍鍾無箇事
衰殘懶據讀

書牀

徐司空六齋見過

少小同袍若比肩廿年濶別髮蒼然遊山幾醉
三春日倚柱頻吟八月天常袞功成思舊業二
疏老去寄荒田相逢更覺情無限夙昔風光似
眼前

溫少司馬見過

春光澹宕戶常扃司馬乘車到草亭老去更親
頭共白名成不負眼同青鶯聲到耳聽偏靜花

氣侵牀坐久馨惟有烹茶供話舊每談刻日下
西庭

仲春溫少司馬見過同蕭鍊師觀雪

瑞雪雰雰遍四郊行人留跡鳥棲巢緣期司馬
來相訪敢促驅雞共解嘲自是春風吹柳絮非
關夜月映松梢懸知卜歲蒼生喜今日尤欣醉
草茅

夏日草堂即目

夏日炎蒸坐草堂北窗風至簟還涼半池荷葉

初呈綠五月榴花未有香扇拂青蠅心不兢盤
盛冰藕味何長午間揮汗難開卷徙倚庭陰竹
樹旁

草堂漫詠

十年林下抱孤澄夜臥匡牀獨伴燈衰病但思
金石藥灰心漫比玉壺冰竹間月靜琴方理花
上風搖露未凝三五曉星明且暗忽看朝日已
東升

壬午偶感

鬚眉皓白似霜侵筋骨衰殘病不禁懶漫只須
甘澹泊涓埃何以報

高深春看雙燕營新壘暮聽羣鴉噪舊林百歲風
光渾若此漫言詩酒慰吾心

送及門史西廬回潮陽

紫髯曾記事從戎萬里馳驅數載同未使姓名
書竹帛翻教坎壈困英雄吳鉤兩佩人間少絳
帳余慚腹內空執手彭宣猶未老慎無樂志隱

山中

其二

舟車幾月到羊城去路江湖萬里程柳陌春風
隨鳥散海天曉日共潮生別離有約還相見衰
老難期更感情歸臥羅浮無限意百年懷抱向
誰鳴

丁亥春日

三徑芬芳草漸肥遲遲春日一庭暉窗明几淨
幽閒趣魚躍鳶飛活潑機操已豈知人倚勢甘
貧誰與世相違檐前向暖扶筇立不憚東風吹

敝衣

其二

高飛燕雀喜晴空，獨臥繩牀久固窮。
滿案詩書銷永日，一園花木度和風。
陰崖未解春光遍，駒隙偏知淑景通。
但使埋輪容老病，五湖煙水讓漁翁。

丁亥菊月同友人南窗對月

月明風靜喜留君，吟坐南窗一雁聞。
霜冷林時低墜葉，年衰志豈上凌雲。
竹爐火煖茶方熟，銅

鴨香消酒半醺更愛蟾輝簾外步籬邊折菊共
清芬

偶吟

謾言盈滿忌傾欹轉見無才世所宜時雨任滋
芳草色嚴霜不礙古松姿理明已勝百朋賜體
健方教五子怡更抱曾孫堪慰老朝來每喜自
含飴

文端公生五子曰儀儼侃偁僖有孫二
十餘人惟儼之子琮與偁之子璠侍公

側讀書琮子世衡爲公鍾愛是謂抱曾
孫含飴也余傳世衡之子鑑得讀公詩
知之最切海陽後學翁照謹記

戊子春日偶成

春風一樣到貧家
不笑愚翁兩鬢華
遲暮懶除三徑草
陽和自放滿園花
但能聞道酬千古
何用藏書積五車
信杖扶來吟幾句
乾坤無臭水無涯

其二

潛居僻巷靜無喧
更少輪蹄到葦門
扶杖有時臨曠野
拓囊無悶隱荒園
案頭常喜書千卷
花下空思酒一樽
身似閒雲何所礙
或行或止寄南軒

其三

半世囂囂一逸氓
數椽茅舍寄吾生
卷簾每覺乾坤濶
欹枕焉知歲序更
糗飯藜羹皆得味
里居巷處久忘情
詩忙不獨閒花鳥
窗映清光月又明

戊子偶感

抱病由來久絕交
非關高尚隱蓬茅
能凝只在誠兼理
善結何須漆與膠
薄劣易爲林下計
衰殘宜遇邈終爻
無端更見銜泥燕
頻向梁間補舊巢

其二

塵機已息道心凝
何事寒灰伴古藤
藥裏豈能消痼疾
茶鐺偶爾待閒僧
硯耕自賦花兼鳥
田獵誰稱犬與鷹
但使澄懷清若水
不妨絹素點

青蠅

戊子天中節

草堂招客飲流霞
牆畔輕陰柳半遮
戶外翠懸
皆艾葉階前紅滿
是榴花
汨羅感世空相弔
角黍沈江莫更嗟
頭白但將書作業
青門休種邵平瓜

戊子秋日偶成

清秋潦倒臥茅堂
細雨微風送晚涼
檐溜未添
三逕水杞憂空滿
九迴腸
池中花盡荷千葉
天

際聲多雁幾行甌上生塵何足異由人笑我老
詩狂

戊子秋抱病有感

長夜無眠歎此生一燈獨對數殘更自知蒲柳
先零落仰賴乾坤奉

聖明

宵旰每聞勤萬事

朝廷應不乏諸卿夜來更驗承平象起向高天望

玉衡

戊子秋闈贈王九我

遺範由來作士型
合肥山水毓奇靈
文章富麗推南國
詞賦清新擅北庭
桃李谿邊誰更茂
蕙蘭畹上獨爲馨
門牆寂寞無多客
好待秋風刷羽翎

戊子書懷

謬爲喉舌愧寅清
夙夜孜孜事

聖明固執原非能
釣譽譊愚那得更
干名已蒙

知遇寧緘口再造

殊恩但竭誠一臥十年親藥餌龍鍾何以慰平生

戊子冬抱病

囊空久已乏參苓天地無心任委形自放疎懷
安壽命長甘澹味葆遐齡送窮應不希韓愈抱
道還須學管寧好待病痊欹枕坐更堪皓首獨
窮經

送吳大璿揖之山右

駐飲貧家斲子卮春風何事又分離營州雪滿
愁臨處函谷花開夢到時莫以萍蹤輕後會還

堪浪跡重歸期關山此去情無限別後吟詩正
可思

送周少逸之汝南

去矣春風白鼻騮行行無復戀京華西山何處
不生草南國此時將落花魚在汝旁合頰尾犬
聞江表多交牙離杯岐路送周建從此吾徒天
一涯

燕臺重晤史西廬兼讀感懷和韻詩十章
有作

京華重晤見新詩
託意江離類楚詞
情奪四愁懷子淚
調高八詠望鄉悲
舊來司馬情空在
老去春曹事莫疑
况復

朝廷多雨露
勸君且謾歎鬚眉

秋日檢點舊草偶憶法遯菴廬山斗不勝
感傷

白頭臨水盡如霜
每遇秋風倍感傷
醉後還思清酒聖
夢中空覩老詩狂
北山高士遺蹤杳
南郭先生舊業荒
回憶當年談笑處
殘篇檢讀淚

敬一堂詩鈔

卷十二

古

沾裳

敬一堂詩鈔卷十二

敬一堂詩鈔卷十三

混同顧八代文起著

長洲沈德潛歸愚輯

五言排律

登望仙坡謁五公祠有感

并序

宋蘇緘知邕州時交趾入寇城陷闔家
焚身死難狄青余靖孫沔明王守仁皆
撫鎮蠻彝立功伐安民社後人思慕因
立五公祠于望仙坡春秋祀焉

卷之十一
朝代相更替遺芳在至誠欲知今日蹟正見古
人情交趾頻來寇邕州已陷城焚身因報國殉
難獨成名宴客謀方定奪關事已平宣威經畧
久佐鎮海洋清諸子皆扶宋守仁獨保明五公
祠外水鳴咽爲誰鳴

鎮南軍行紀事

解圍初把臂協贊共推誠已試多吾算還須視
彼情智仁推獨步勇信冠羣英必使如心腹方
能共死生撫蠻陳上策秉節率南征甲從三千

騎麾旄十萬兵送軍馳柳郡上疏守梧城築壘
兼挑塹藏戈并掩旌夜排諸葛陣晝整亞夫營
不獨爲留後滇池可蕩平

邕江橫城畫策

并序

夜與蟒公熟算決機定策明日上疏進
勦滇南一出橫州渡鬱江諾瀛抵新村
遇僞將軍吳世琮擊敗之隨傳檄恢復
百城一出崑崙關越賓州戰于陶登來
賓破范齊韓擒馬承廕收兩粵

定策邕城夜決機八陣中風雲隨陣變虛實假
形同草疏朝方上囊籌暮議攻破堅惟氣勝克
衆在心雄兩路人如鐵三軍馬似風世琮亡背
水承廕叩元戎百粵城全下齊韓壘已空滇南
堪進取無處不相通

遣間

孫子傳遺策微乎用間謀相機時未啓乘隙餌
先投真僞審虛實行藏隱去留改妝宜混跡變
語類同儔風雨休辭瘁勲名正可求奇功需壯

士芥子晉封侯

溪城晚眺

梁信軍機轍憑城眺晚晴懸巖垂倒影空谷應
虛聲山勢環林密波光蕩日明雲邊孤鳥度花
外幾人行獨立千峰暮誰憐萬里情請看今夕
月依舊照孤清

再哭蟒鎮南

聞外星方隕軍民無不哀榻雲如覆蓋天樂似
輕雷像入仙坡廟名傳將隱臺孤魂歸碧落衆

淚灑青苔書帛名千古還鄉土一坏倚門親尚
在萬里夢空回

其二

將帥思英傑

朝廷憶股肱百身終莫贖萬里更何憑平樂推忠

信蒼梧仰智能邕江殲上將

偽將軍吳世琮敗績自刎梧郡

繫窮鷹

擒逆將馬承麋

先事知成敗活人感廢興招魂

今夜淚空對一孤燈

自盤坤村遊妙高寺

息兵尋淨土乘興歷巔峴僕從頻纏履驂騑數
整鞍九盤環寶刹一徑入仙壇澗谷成幽賞峯
巒定大觀巽坤山水結乾艮虎龍蟠以自荒村
過征人處處看

盆中浮萍

一器如江漢浮萍任所之寸魚猶可躍勺水便
盈池有餌誰能下無波轉自怡獨能成芥末何
用借根基得地塵堪避因盆綠不移可憐湖上
藻終日被風吹

讀易

孤燭心空夜草堂
讀易時澤風其大過地火乃
明夷應志順之動省身退以思中孚堪自化无
妄復何疑魚不及賓始車偏載鬼睽精研多歲
月終愧未前知

禁中侍讀

帝子天潢派

彤宮有杏壇五車標玉軸二酉出

金鑾德本由心立行將踐禮端文章超世易忠恕

省身難

聖主遴師傅微臣忝備官抒誠傾所蘊敢謂此軀殘

禁中侍讀又作

彤廷侍

帝子一紀又三年八政從堯訓寸陰自禹傳茶香
仙掌露衣馥御爐煙賈誼言還切仲舒學不偏
莫教身染垢須使志希賢禮以和為貴行當孝
作先

皇輿乾德健碧漢寸心懸謹慎知臣素蒙

恩屢宥愆

偶成

盥手觀周易臨風誦二南
嶺雲難可掇并李未
爲貪邀客逢三徑趨庭有五男
已從長卧隱不復更高談
曳履偏多戇傳經久自慚

天潢超世學青豈出于藍

述懷

放懷猶未得卧病意空深
鶴髮悲青鏡霜華感
舊林飛飛巢燕去唧唧砌蛩吟
陋巷無朱履衡

門有素琴祇因憑百藥那得惜分陰忝祿多慙
愧何由慰此心

紀遊

抱疾虎頭客衰顏鶴髮翁登臨時坐石杖履數
臨風垂釣清溪側鳴琴夜寺中兩鶯啼樹上一
蝶入花叢興豈東山異樽應北海同招僧相共
飲一笑萬山空

春日咏懷

東園聊寓目春氣淨吾心鳥語酬新句松聲入

古琴種花三逕密栽柳一亭深病使青樽減愁
邀白髮侵何須懷寸壁但解惜分陰誰爲隆中
起不因抱膝吟

草堂漫詠

杜門經十載吟卧草堂中南畝荒春穗北窗枕
夏風新蟬聲偶響枯竹逕偏通揚子悲岐路蔡
公惜疊桐穿牀終自異抱膝復誰同若問殘年
事心澄萬慮空

贈省齋

淵博如平子高風繼太邱髫齡稱國器弱冠上
瀛洲學術開千卷聲聞播九州因懷扇枕念更
慰倚門愁萬里泥丸達一身圜獄囚荒荆蘭蕙
郁蜃市夜光浮廟算方平逆鄉人轉作仇網開
三面日流逾五星秋獨遣遼東去誰將冀北留
青蠅如可滌白璧更堪求

聖主時巡狩詞臣謁冕旒獻詩成百韻作賦勝千籌
後載非礪叟前驅豈蒯侯已登天祿閣莫上仲
宣樓侍讀誠

王府依然類海鷗

白雲山半園居士

一園孤崖畔白雲任去留箇中高隱士物外更
何求半畝惟栽菜數畦不用牛忘機時抱甕臨
水偶看鷗放曠原無事清閒可自由此身何所
似江漢一虛舟

獸樂園

半畝不毛地我偏稱小園會心寧在遠獨樂自
忘言東北還丹室西南演易軒露葵三五本霜

菊十餘盆門外無人扣簷前有鳥喧悠然城市裏猶似卧菴村

寄英臺山人

高士復何意潛踪讀午莊山深塵事遠風細鳥聲長籬菊春誰種園蔬晝自嘗詩雖千首富機已十年忘雲斷峰如畫花流水有香他時吾亦隱相與話行藏

遙憶紅螺嶽

古洞房山曲唐時此避兵十尋懸鐵鎖一線透

崖閣茅屋閒容榻喬林飽聽鶯草花偏引興樹
果更怡情數畝天爲蓋四圍石作城此中堪自
隱何事爲逃名

乙酉仲春有感因題敬一堂壁

萬類從元化支分忽逕庭直尋悲枉尺清渭感
渾涇大塊原無異羣生各有形乾將元作首坤
以順爲靈木槿難終日喬松可永齡拙愚非國
器衰老豈邦屏春仲宜扶杖堂幽可讀經蕭然
空四壁偶爾寫西銘

慨老

省身知己過衰老易違仁夜卧虛言寐朝興懶
見人一爐常畏冷四季最宜春對客多重語看
花每出神松心林下古鶴髮鏡中新扶杖行猶
寒鶉衣未甚貧

述舊

弱冠讀經史胡爲事遠征揮戈追定國從帥靖
漠城榮廕非投筆箕裘未請纓還都遷選部作
賦擢登瀛三桂逆天叛

九重發兵妖氛圍上將叅贊委書生

時蟒鎮南被圍命

公叅贊軍務至日圍解

一自單車去獨從萬里行機宜因

合算功伐偶然成以此堪歸隱誰知更作卿今朝欽

聖世林卧慰愚情

龍鍾

獨盡平生志難酬

聖主恩致君身已老曳履跡空存歲月閒看易風花病減樽漫愁無舊業還喜有荒園一步須扶杖

百年但閉門龍鍾今愈甚何以答乾坤

晚節吟

介石幾猶在勞謙業有終蒙

恩羈勒外得隱戶庭中書枕宜衰病繩牀慰老翁
誦詩寧博識讀易未旁通濃澹情偏異飛沉跡
不同花邊扶短杖檐際眺長空靜愛松間月清
憐竹裏風凝神時獨坐心曠意何窮

閒坐北窗因征南故人偶談舊事

北窗風漸至閒坐有餘清偶遇征南客偏多感

敬一堂詩鈔

卷十三

五言排律

十

舊情孤懷紆畫策虛譽愧干城但繼先人志誰
圖後世名返躬須盡性濟物在存誠久削當年
跡心空萬事平

敬一堂詩鈔卷十三